

OHR i Vijeće Evrope organizirali forum o pitanjima ljudskih prava

Viši zamjenik visokog predstavnika, Matthias Sonn, ministar civilnih poslova i komunikacija BiH, Svetozar Mihajlović, gospodin Hugh Chetwynd iz Generalnog direktorata Vijeća Evrope za pitanja ljudskih prava i sudija Evropskog suda za ljudska prava, Peer Lorenzen, otvorili su u srijedu jednodnevni forum čija je namjera da se istakne uloga zastupnika vlade. Ovi zastupnici zastupaju organe vlasti entiteta i države BiH pred Domom za ljudska prava. Kada BiH, kako se očekuje, bude primljena u Vijeće Evrope, ovi zastupnici će zastupati BiH pred Evropskim sudom za ljudska prava, u obrani slučajeva i provođenju presuda ovog suda.

Rad zastupnika može imati ogroman uticaj na živote građana BiH. Slučajevi koji se prezentiraju pred Evropskim sudom redovno utiču na domaće zakonodavstvo. Pored toga, ovaj Sud će, po prijemu BiH u Vijeće Evrope, biti konačni pravni lijek za građane BiH koji smatraju da su njihova ljudska prava prekršena.

Ovaj forum je ispitao načine na koje institucije pri vladu te pravosuđe na državnom i entetskom nivou mogu potpomoći rad zastupnika vlade i tako poboljšati stanje ljudskih prava u BiH.

Ministar Mihajlović i Viši zamjenik visokog predstavnika izrazili su svoju punu podršku za sadašnji rad zastupnika i za ono što će predstavljati znatno širi djelokrug aktivnosti nakon konačnog prijema BiH u Vijeće Evrope. Oni su pozvali sve vladine resore te pravosuđe, na svim nivoima, da sarađuju sa

zastupnicima kako bi osigurali da prava relevantnih vlasti i svih građana BiH budu u potpunosti zaštićena.